

Vertical text in a white box, likely a library or archival label. The text is faint and mostly illegible, but appears to be arranged in a column. At the bottom, there is a small rectangular stamp with the following text:

W13335

32

11

Handwritten numbers in purple ink, possibly a date or reference number:  
1901/10/14  
32  
4-6

政溢一辭焉其詳于田賦而暮年藝文也  
是述其人物節孝寧失由勿失入也曰惟  
若夫春秋一書持寒暑之心平以中養物賦役謹錄  
既微言聖人之用也游夏且退余不敏何能測其  
畧焉



商丘縣志

李序二

凡例

著書必先定其體裁體裁不定書不可得而著也郡邑志雖紀一方之事而實備全史之體商丘舊志八卷分作七志而節目六十餘條七志既無總序而節目或序或不序非體也今刪七志之名而酌分四十餘條每條各序以申其義庶體裁畫一焉

條目既各具小序而舊志之論有可采掇者仍附本事後或小序所未盡而別有論議亦隨事附見以相發明

商丘縣志

凡例

三頁

紀年之有表此史家最有關鍵處如沿革一師科第非表不悉舊志無之今皆爲著表觀者釐然矣故事歲薦太學亦槩入選舉但歲薦有年可攷而太學無年可攷至例貢雖有貢名而其實與例監無異今歲貢仍入選舉而例貢例監別立恩例表以存典制舊志不列山川而有河渠以邑境無山也而丘陵岡阜之屬皆入之古蹟中今立山川一門凡河渠丘陵胥入焉溝洫津梁皆因川澤而有者也亦併附書商境地兼數邑周秦以來變更多矣城池之廢興古

蹟之存亡皆攷訂史傳特加詳覈校之舊冊迴乎僣  
徒

邑本宋都宋諸城門舊見古蹟今城池詳載源流諸  
門已備列矣故古蹟中不復載

邑爲中原必爭之壤春秋至今被兵者屢矣故山川  
古蹟于兵爭之處必備書又增兵燹一條編年紀月  
以叙戰鬪職事茲土者合形勢一篇並觀則守禦之  
策未始不可未雨綢繆也

商邑賦役一例起科本無煩雜惟定其大綱則一目  
商丘縣志

凡例

二

三百八

了然今首叙戶口次人丁次地畝次收併衍所丁地  
次實徵總數而總數之中分起解存支二項起解項  
內則分某某衙門若干存支項內則分某某項欸若  
干而雜稅鹽引之屬附焉一開卷而催科之能事畢  
矣惟 本朝裁扣之項仍備列欸目于布政司條下  
倘後人有問昔年餼竿者猶可取而鏡也

志中人物卽史家之列傳舊本頗詳略失宜今取其  
蕪者刪之率者潤之庸而無足取者汰之新收者取  
諸公論叅諸志狀稱量而爲之詞不敢有所溢美若

其人現在雖名德照耀亦不立傳蓋人生品節大抵  
以身後論定者爲信云

人物各區門類不下數條亦各因其所就而品之非  
敢故有所抑揚也其附傳者亦必以類從之若名臣  
之子孫附于名臣之後者未必皆名臣蓋有一節可  
錄得附父兄之次亦史家之通例耳

婦女之行死節固難而守節尤難離鸞寡鵠兩夕風  
晨此人生最不堪之境而世或有議其隱微者非長  
者之言也宋俗本尙節義而鶴亭大尹志有闕幽雖  
下屋窮簷有聞必錄此賢有司風勵末俗之意覽者  
勿以過多爲訾

商丘縣志

凡例

三

三百世

官師表祇載年歲題名有政績者別立名宦傳此體  
例也舊志混而爲一今旣析履歷爲表宦蹟爲傳各  
自章章矣若雖無崇功異政而或有善可取亦綴數  
言於題名之下選舉恩例諸表亦倣是

人物者元祇載本邑之人若仕於茲土者不測人人  
物志舊有有英烈一條紀唐張許守睢巢芝園宋及  
明正德嘉靖盜發事以逮崇禎乙亥壬午之變併錄

死難官民雖皆邑事也但紀非紀傳非傳頗乖體例  
今戰爭事畧載之兵燹邑人死事姓名載之禱祀而  
其人足紀者更散見各傳至表揚諸公之長篇大章  
如韓柳諸文又載之藝文矣英烈一條竟爲刪去  
古蹟傳疑者多如龍亢應入懷遠志中已辨之但桓  
榮一家久載歸志以商邑亦有龍亢城之蹟耳如楚  
丘人物商邑所有者曹縣亦有之蓋楚丘故境今已  
商曹並分別人物自宜兩存桓氏一家亦然仍舊貫  
以俟博雅者再攷

商丘縣志

凡例

四

三百四

一邑人物元不必誌爲某地人但今邑兼舊數邑故  
宋已前皆沿史傳舊文曰某地人者以見昔之某地  
皆今之縣境也明以來則不復贅

藝文之哀約爲五類曰王言曰雜文曰賦曰古體詩  
曰今體詩各分以時代以代系人而凡作俱從之惟

文又于一代中分體以體系人而凡作俱從之而要  
以有關於邑事邑地邑人者方錄若柳梅雪月諸賦  
元于三者無所屬昔人以爲梁園故事而存之今亦  
未遑簡汰也

古人以圖書並稱言書必有圖也矧邑之封圻疆域  
尤非圖不晰者乎茲首繪 萬壽亭照 聖澤也次  
縣治次城郭而治學遞及焉若黃河則邑之大川新  
河則邑之水利也故得並圖

附郭邑爲郡治所麗有郡官郡署郡廟郡祀雖皆在  
商丘縣志

凡例

五

三百十三

邑境而事屬於郡則郡有專志此不僭入

舊志無佚事今採于省志及宋中丞偶筆諸書補其  
闕略但搜羅不廣不過聊備一齋爾

凡舊志序文例必附刊商志肇自呂侯乾健明季闕  
寇陷城板籍灰燼按劉侯復修時祇得賈靜子燼本  
今靜子遺裔銷亡卽燼本亦歸烏有僅于宋氏譜牒  
中錄得宋莊敏跋一篇內已注闕三十字吉光片羽  
亦同拱璧亟弁首簡以存先正典型云

商丘雖古地而以縣稱則自明嘉靖間始蓋今之商丘卽古之睢陽宋城也歷代倚郡郭明初省併穀熟楚丘諸邑而爲州汴州復升郡而以州境爲縣境縣之有志則昉於萬曆初呂令也壬午寇亂全城灰燼何有於志開革後十餘載而章丘劉君來宰是邦雅意修復昔值兵燹之餘老成凋喪文獻無徵劉君因陋就簡約略補綴功侔草創及壬申癸酉間山陰周令欲加續修其時老成文獻衰燼更甚於劉尹之日

商丘縣志

劉序一

三百零

不過取舊志謄錄一過而增以戊戌己後之科甲及太學生姓名而已謂之曰續修可乎余承乏六載以爲千古之書莫大於經史史者經之翼也治天下之大典大則也國史爲天下之史而郡邑志爲一方之史士大夫不可不讀國史守令長獨可不閱郡邑志乎不揣固陋有志修葺值水旱游臻皇皇未逮甲申之春隸人不戒於火舊板竟付祝融嗚呼天殆警予以速成此志乎於是請諸鄉先生及博士弟子珥筆助予諸公咸避席曰明府有事於邑乘此邑人之光

邑人之幸也何敢以不文辭而誼有所不可者不敢不以直告蓋志之所重在掌故而尤重在人物毋論我輩謏焉不能逃搜覽證古今卽以人物論遠者有先世邇者有親暱非是卽先世之親暱而或親暱之先世也將誰毀乎誰譽乎志例固無毀如以譽取其可譽者而譽之未必有功如不可譽者而譽之豈能無過求譽者而卽譽之彼未嘗以爲德求譽者而不卽譽之彼無不怨且謗矣惟明府亮焉余唯唯審如是蓋已諸衆曰嘻是惡可已明府交遊遍海內惟擇

商丘縣志

劉序二

言六

其有道而文者專任之可也適我友崑山葉君松川氏將之西川赴我家觀察兄之招道出梁宋松川篤行稽古尤遠于史學遂邀其暫紆岷峨之駕止宋商略志事且告之曰商之典章故實君之所知也商之人物臧否君之所未盡知也豈惟君卽余守茲土數歲亦豈能一一知而知之一一盡乎我輩誦法孔孟論人不可不以孔孟爲法孔子曰鄉人之善者好之其不善者惡之孟子曰國人皆曰賢然後察之遂下令邑中曰凡言人士之有物望及隱德者婦女之有

節烈懿行者悉舉以告於是囑其來舉之人公者則  
登之私則置之舉而寡者近于私舉而衆者近於公  
而又加以博訪叅以載籍然後進而品隲焉雖未能  
百不失一而背謫公議者或寡矣余與松川晨夕搜  
討凡七閱月而告成爲卷二十爲條四十有奇各備  
序論損益乎煩簡華實之間而求各當其可不敢云  
懸諸國門與人增減而後人有採掇舊聞攷訂疇曩  
者或不能舍之而他適也梓旣竣因述其緣起以告  
邑人皆

商丘縣志

劉序三

二百三

康熙四十有四年歲次旃蒙作噩陬月文林郎河南  
歸德府商丘縣知縣文安劉德昌題



舊志序

章丘劉之驥

夫列國各有史郡縣各有志用以彰往法來備觀省  
昭勸戒耳昔紫陽朱夫子出守南康卽詢舊志說者  
謂其知治體邑志寧可闕與商丘爲古宋名區地靈  
風淳異人挺生其可紀可傳之事不一而足第恐世  
遠人湮文獻凋謝景物堙蝕昔者魯聖有歎宋之無  
徵者良可悼哉不佞于順治十年簡授茲土甫入境  
知商丘荒旱頻仍瘟疫疊見兼苦於兵燹之慘千家  
寵冷萬井石田嗟乎今日之商丘非復昔日之商丘

商丘縣志

舊序一

三百五十四

矣余履水數載撫殘黎而醫凋瘵將欲有所興革舊  
乘盪佚典章莫稽余用是撫然曰安得耆父脩詳紀  
載能話數世興亡纂勒成帙上之當事公卿未有不  
聞於黼座曰商丘之戶口土田非復如舊也商丘  
之城郭人民非復如舊也商丘之貢賦徭役非復如  
舊也 詔責民牧培養而安全之將見百年之後禮  
樂可興風移俗易蒸蒸日上治所借邑乘以脩轡軒之  
採者顧不重歟曩有博學賈子開宗留心今古從江  
南携商丘舊志一部示余不佞卽錄其殘編藏之篋

中欲爲增修柰都人士甫出湯火而大兵大差絡繹不絕爲令者風塵牛馬僕僕供應非不繫念及此實亦我躬不遑爾幸蒙督撫部院賈公綏輯中州欲攬皇圖察興廢稽土田周知民隱洞悉賦役而尤爲蒐羅遺編博考文獻以佐 當宁照臨所不及此真握機樞而崇文治深得紫陽先生之旨而更大之余向求爲獻納而不可得今果爲上之檄而欲採之修之矣詎非盛世不朽之事哉余凜凜奉命乃筮日開局具禮躬謁邑人今翰林院侍講李公日孝廉徐子作

商丘縣志

舊序二

三百七

肅明經賈子開宗蔡子覺春徐子鄰唐諸生陳子致皆博學宏才彬彬名士爰檢昔日所錄殘編踵事增華分章纂修閱數月而邑志成焉其間政事之因革損益品類之盛衰消長時地之亨屯變遷人物之忠孝廉節雖不于此盡悉而合以前數千百年所紀可謂無剩義矣因詳舊志之修出於明萬曆十年邑令呂乾健毀於崇禎壬午之春遭寇亂也今復修於順治十五年之秋月

修志姓氏

舊修姓名錄載入宋  
劉二序中茲不重錄

訂定

文安劉德昌後公氏

編輯

崑山葉 溟蕃久氏

評論

邑人宋 起喜起氏 陳宗石子萬氏

宋 超爾逸氏 葉增高子巖氏

陳 瓚文菴氏 宋如金武修氏

高丘縣志

修志姓氏

校正

邑人侯 懃子力氏 鄭 廉介夫氏

葉漢封大臣氏 曹 崑根遠氏

宋 斌盛治氏 楊 塤友仲氏

李 南化文氏

商丘縣設自嘉靖乙巳越三十六年辛巳曲沃呂侯  
既治商有成政矣嘆邑乘久缺後將何述適余在告  
而沈太史氏以丁內艱亦宅憂于里乃闢館禮延安  
子所止姚子植徐子紹休赫連子應霽楊子三策張  
子問行侯子禮乾安子世鳳任分纂而屬余與沈太  
史氏總其事越明年壬午書告成余以一日長乃僭  
言于卷末曰信傳信疑傳疑史法也的然者飾其所  
本無厭然者揜其所本有譬諸繪像者弗像奚取于

商丘縣志

宋跋一

二百廿三

像哉且見知者以爲贗而聞知者卽以爲真矣夫志  
以彰徃信來而欺也可乎哉余爲此

下闕三十字

飾不肖

之形以炫後世之美觀也若曰宋有足徵則吾豈敢

商丘縣志目錄

文安 劉德昌 重修

崑山 葉 澐 編輯

卷首

高壽亭圖 縣境圖 城圖 縣治圖 學宮圖

黃河圖 新河圖

卷之一

沿革 星野 城池形勢附 封域 公廨郵政附

山川溝洫津梁附 風俗節序附 物產

商丘縣志 目錄

卷之二

賦役鹽引附

卷之三

學校 災祥 兵燹 古蹟 第宅 陵墓

卷之四

祠祀 坊表 寺觀 帝王 封建

卷之五

官廡 名宦

卷之六

選舉

卷之七

恩例 賜封 武科

卷之八

聖蹟 先賢 名臣

卷之九

賢達 儒林 文苑

卷之十

武功 隱逸 忠烈 孝友 卓行 流寓

商丘縣志

目錄

二

方技 仙釋

卷十一

列女

卷十二

藝文 王言

卷十三

藝文 漢至唐 牒文

卷十四

藝文 宋元 牒文

卷十五

藝文  
明 文 廉

卷十六

藝文  
本朝 文 廉

卷十七

藝文  
賦

卷十八

藝文  
古 詩 體

卷十九

商丘縣志

目錄

三

藝文  
近 著 體 詩 書 附

卷二十

藝文